



Tužilaštvo -Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTRZ 0004388 05

Sarajevo, 23.11.2022. godine

**SUD BOSNE I HERCEGOVINE**  
**Sudiji za prethodno saslušanje**

Na osnovu odredbi člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (ZKP BiH), podižem

### **O P T U Ž N I C U**

**Protiv:**

**1. JASIKOVAC MIOMIRA,** [REDACTED] rođenog [REDACTED] 1968.

godine u mjestu Snagovo, opština Zvornik, [REDACTED]

[REDACTED]  
[REDACTED]  
[REDACTED]  
[REDACTED]  
[REDACTED]

[REDACTED] državljanina R Srbije.

**Zbog postojanja osnova sumnje da je:**

Za vrijeme široko rasprostranjenog i sistematičnog napada preduzetog u periodu od 06.07.1995. do 01.11.1995. godine od strane pripadnika VRS-a i MUP-a RS, usmjerenog na pripadnike bošnjačkog naroda u zaštićenoj zoni UN-a Srebrenica, tokom kojeg napada je izvedena operacija trajnog i prisilnog preseljenja cjelokupnog

bošnjačkog civilnog stanovništva, operacija hvatanja, zatvaranja i pogubljenja vojno sposobnih muškaraca Bošnjaka i dječaka iz srebreničke enklave, te operacija njihovog ukopa, iskopa, te ponovnog ukopa na drugim lokacijama u cilju sakrivanja dokaza, na koji način je djelimično istrijebljena skupina bošnjačkog naroda pri čemu je cjelokupno bošnjačko civilno stanovništvo, do 40 000 civila Bošnjaka uklonjeno iz srebreničke enklave, a više od 8 000 muškaraca Bošnjaka i dječaka ubijeno, zakopano, otkopano i premješteno na druge lokacije pa ponovo zakopano, **Jasikovac Miomir** komandir čete Vojne policije Zvorničke brigade, svjestan toga napada, u periodu od 13. do 15.07.1995. godine, svjesno pružio pomoć članovima udruženog zločinačkog poduhvata [REDACTED]

[REDACTED] a čiji plan i cilj je bio da zatvore i po kratkom postupku pogube i zakopaju vojno sposobne muškarce Bošnjake iz srebreničke enklave, a prisilno premjeste žene, djecu i starce iz enklave, i na taj način ih unište kao grupu, tako što je:

1. Dana 13.07.1995. godine, nakon što je upoznat da će u školu Grbavci u Orahovcu pristići autobusi sa više stotina zarobljenih muškaraca Bošnjaka iz Srebrenice po naredbi [REDACTED] [REDACTED] uputio se sa grupom [REDACTED] vojnih policajaca čete vojne policije Zvorničke brigade sa kompletnom vojničkom opremom uključujući i naoružanje u Orahovac da obezbjeđuju zarobljene Bošnjake, i kad su kasno noću počeli pristizati autobusi sa zarobljenim Bošnjacima kojima su ranije u Bratuncu oduzeti lične karte, novčanici, satovi, novac, među kojima je bilo više starijih i nemoćnih muškaraca, djece starosti između 10 i 14 godina, osumnjičeni **Jasikovac Miomir** u prisustvu [REDACTED] [REDACTED], koji je nadzirao i usmjeravao aktivnosti vojne policije, **Jasikovac** je naredio zarobljenicima da ulaze u fiskulturnu salu škole a zatim rasporedio vojne policajce na ulazna vrata, uglove i oko škole, da bi sutradan vojni policajci bili zamijenjeni drugim vojnicima Zvorničke brigade a **Jasikovac** naložio vojnim policajcima da se ne udaljavaju već da budu u pripravnosti za naredne aktivnosti, svjestan da će uslijediti ubistva zarobljenika po prijekom postupku, pa nakon što su tokom 14. jula pristigli novi autobusi sa zarobljenicima koji su smješteni u



fiskulturnu salu škole, tako da se broj zarobljenika kretao oko 1.000, koji su držani bez hrane i dovoljno vode i prostora po visokoj ljetnoj temperaturi, koristili umjesto WC-a kante, kom prilikom su dva zarobljenika ubijena, prisiljavali zarobljenike da se što više stijesne kako bi ih što više stalo u salu, usljed čega je ponestajalo vazduha, držali ih u stalnom strahu pucajući po zidovima i plafonu sale, osumnjičeni Jasikovac Miomir zajedno sa [REDACTED] [REDACTED] preduzeo pripreme za odvođenje zarobljenika na mjesta pogubljenja tako što je naredio da se postavi jedan sto na kome su bile kante vode sa lončićima i kad su zarobljenici izlazili iz fiskulturne sale [REDACTED] im je davala vodu da popiju a zatim su im vojni policajci stavljali poveze na oči i sprovodili ih na izlazna vrata sale gdje je bio parkiran kamion marke „TAM“ na koji su ukrcavali 20 do 30 zarobljenika a zatim i u drugi kamion kojima su odvozili zarobljenike na mjesto pogubljenja na obližnje polje udaljeno oko 800 m od škole u pratnji vojnika i pripadnika čete vojnih policajaca Zvorničke brigade a koji kamioni su se vraćali po druge zarobljenike sve dok ih nisu prevezli na mjesto pogubljenja gdje su lica među kojima su bili i pripadnici čete vojne policije zarobljenicima naredili da siđu s kamiona i po prijekom ih postupku pogubili automatskim oružjem, kom prilikom je do kasnih noćnih sati ubijeno više od 800 muškaraca Bošnjaka, gdje su pripadnici inženjerijske čete Zvorničke brigade teškom mehanizacijom žrtave zakopali u masovne grobnice na samom mjestu pogubljenja.

2. Dana 14. 07. 1995. godine, upoznat da se u selu Petkovci opština Zvornik nalazi više stotina zarobljenih muškaraca Bošnjaka a koji zarobljenici su držani u Novoj školi u Petkovcima, bez adekvatnog smještaja, sanitarnih uslova, bez dovoljno hrane, vode, i koje zarobljenike su prihvatili i obezbjeđivali pripadnici 6. bataljona Zvorničke brigade sa drugim pripadnicima VRS-a, po instrukcijama i zadacima koje je dobijao od neposrednih prisutnih učesnika UZP-a, [REDACTED] [REDACTED], znajući za plan da se svi muškarci Bošnjaci ubiju i znajući za provođenje tog plana masovnim strijeljanjem koja su vršena prethodnog dana na različitim lokacijama, pristao i podržao nesmetano vršenje streljanja preko 700 muškaraca Bošnjaka, dana 14.07.1995. godine u popodnevnim satima iz kasarne Standard u Karakaju sa mini busom marke „TAM“ uputio u Petkovce [REDACTED] vojnih policajaca čete vojne policije Zvorničke brigade sa kompletnom vojnom opremom uključujući i naoružanje, te nakon što su se vojni policajci po njegovoj naredbi javili u komandu 6. bataljona kod stare škole u Petkovcima, isti se potom uputili na lokaciju Crvene brane gdje su zajedno sa drugim pripadnicima Zvorničke brigade učestvovali u strijeljanju

zarobljenih muškaraca Bošnjaka, gdje je od večernjih sati 14. jula pa do popodnevnih sati 15. jula izvršeno strijeljanje preko 700 zarobljenih muškaraca Bošnjaka, nakon čega su tijela žrtava pokopana u masovnu grobnicu na mjestu pogubljenja, kom prilikom je korištena mehanizacija i oprema Inženjerijske čete Zvorničke brigade.

3. Dana 15.07.1995. godine nakon što je upoznat da se u školi u selu Ročeviću nalazi više stotina zarobljenih muškaraca Bošnjaka koji su prethodno autobusima doveženi do škole u Ročeviću sa raznih područja i objekata privremenog zatvaranja u opštini Bratunac, gdje su držani u školskoj fiskalturnoj sali i obezbjeđivali vojnici VRS-a, po instrukcijama i zadacima koje je dobijao od neposredno prisutnih učesnika UZP-a, [REDACTED] osumnjičeni Jasikovac Miomir znajući za plan da se svi muškarci Bošnjaci ubiju i znajući za provođenje tog plana masovnim strijeljanjem koja su vršena prethodna dva dana na različitim lokacijama, pristao i podržao nesmetano vršenje streljanja više od 800 zarobljenih muškaraca Bošnjaka, istog dana oko podne poveo grupu vojnih policajaca čete vojne policije u školu Ročević kako bi vršili čuvanje zarobljenika a zatim njihova pogubljenja i nakon što se uvjerio da se zarobljenici drže u nehumanim uslovima bez hrane, vode i bez sanitarnih uslova, da se prema istima vrši nasilje i da se vrše pojedinačna ubistva zarobljenika pridružili se pripadnicima 2. bataljona Zvorničke brigade [REDACTED] s kojim je zajedno preduzeo aktivnosti na pripremi zarobljenika za prevoz na šljunkaru na obali rijeke Drine u Kozluku gdje su pripadnici čete vojne policije istog dana po naredbi Jasikovac Miomira zajedno sa drugim pripadnicima Zvorničke brigade učestvovali u prevozu zarobljenika do šljunkare i strijeljanju više od 800 zarobljenih muškaraca Bošnjaka, nakon čega su ubijeni muškarci Bošnjaci zakopani u pješčana udubljena kao neobilježenu masovnu grobnicu u Kozluku od strane drugih vojnika VRS-a uključujući i vojnike iz Inženjerijske čete Zvorničke brigade.

**Dakle,**

**Jasikovac Miomir**, radnjama opisanim u dispozitivu optužnice znajući za namjeru glavnih izvršilaca da djelimično istrijebe nacionalnu, etničku i vjersku skupinu Bošnjaka, pomagali i podržali ubijanje muških pripadnika skupine Bošnjaka i nanošenje teških tjelesnih ozljeda i duševnih povreda skupini Bošnjaka, koji su, kao Bošnjaci Istočne Bosne, činili značajan dio etničke skupine Bošnjaka,



*Čime je:*

*učinio krivično djelo Genocid iz člana 171. tačka a) i b), Krivičnog zakona BiH (KZ BiH) u vezi sa članom 180. stav 1. i članom 31. KZ BiH.*

**TUŽILAŠTVO/TUŽITELJSTVO BiH**  
**TUŽITELJ**